



REPUBLIKA E SHQIPËRISË

MINISTRIA E ARSIMIT
SPORTIT DHE RINISË

BURSA STUDIMI NË HUNGARI,

VITI AKADEMIK 2020-2021

Në zbatim të programit të bashkëpunimit me Hungarinë në fushën e arsimit dhe shkencës, Qeveria e Hungarisë, përmes Fondacionit Publik Tempus (*Tempus Public Foundation*), për vitin akademik 2020-2021, shpall programin e bursave shtetërore “*Stipendium Hungaricum*” për shtetasit e huaj, të cilët dëshirojnë të ndjekin studimet pranë universiteteve publike të Hungarisë.

Programet e studimit të ofruara nga pala hungareze përfshijnë studime universitare, pasuniversitare të plota/të pjesshme (për një periudhë 1-vjeçare, dy semestra) në fushën e kërkimit pranë institucioneve të arsimit të lartë ose të kërkimit të Hungarisë, sipas kategorive të ndara si më poshtë:

- *Studime me kohë të pjesshme në nivelin Bachelor / Master / doktoraturë (1-2 semestra).*
Kandidatët e interesuar duhet të jenë të regjistruar dhe të kenë statusin e studentit në një nga institucionet e arsimit të lartë brenda ose jashtë vendit. Kandidatët mund të aplikojnë vetëm për studime të nivelit që janë duke ndjekur në universitetin përkatës brenda ose jashtë vendit. Këto studime zgjasin maksimumi për një vit akademik pa mundësi shtyrjeje të mëtejshme. Studimet me kohë të pjesshme nuk mund të aplikohen për kurse përgatitore apo specializimi.
- *Studime të plota në nivelin Bachelor (6-8 semestra) / Master (3-4 semestra/ Master i integruar (one-tier master programmes) sipas programeve të studimit që ofrohen vetëm për Shqipërinë.*
Studimet me kohë të plotë janë programe që përfundojnë me marrjen e një diplome bachelor ose master. Programet bachelor zgjasin nga 3-4 vite akademike, ndërsa studimet master nga 1.5- 2 vite akademike. Preferohen aplikimet në fushat e studimit si vijojnë: bujqësi, inxhinieri, ekonomi, arte dhe shkencë natyrore. Pala hungareze ofron edhe programet “*Master i Integruar*” që zgjasin nga 5-6 vite akademike dhe përfshijnë nivelin e studimeve universitare bachelor ashtu dhe nivelin e studimeve master. Këto programe ofrohen në fusha të caktuara studimi. Studentët që aplikojnë për kurse master duhet të kenë përfunduar studimet bachelor dhe të kenë diplomën përkatëse për këtë nivel studimi.
- *Studime Doktorale PHD, program i plotë (2+2 vite akademike).*
Në përputhje me legjislacionin aktual në Hungari, kohëzgjatja e studimeve të doktoraturës është 8 semestra. Studimet doktorale përfshijnë dy faza studimore: e para është një periudhë 2-vjeçare që shërben për trajnim profesional dhe kërkim, ndërkohë që periudha e dytë shërben për realizimin e kërkimit dhe tezës së disertacionit. Në përfundim të fazës së parë studentët janë të detyruar t’i nënshtrohen një provimi kompleks që synon të masë progresin arsimor dhe kërkimor të njohurive të studentit. Kandidatët që aplikojnë për këto studime duhet të kenë një diplomë të nivelit master.

Kandidatët për doktoratë duhet të kontaktojnë gjithashtu me institucionet e tyre pritëse me qëllim për të diskutuar temat kërkimore që do të përfshihen gjatë përgatitjes së materialeve të aplikimit (p.sh. Plani i kërkimeve).

Kandidatët që aplikojnë për një program studimi në doktoratë duhet të marrin miratimin e një profesori në universitetin pritës, i cili duhet të lëshojë një deklaratë pranimit (letër miratimi) dhe ky dokument duhet t'i bashkëlidhet aplikimit.

- **Kurse përgatitore dhe specializimi me kohë të plotë (deri në 1 vit).** Krahas programeve të studimit, pala hungareze ofron bursa për kurse përgatitore të gjuhës hungareze dhe në raste të veçanta të gjuhës angleze, si dhe specializime në degë të veçanta, me kohë të plotë deri në 1 vit për të gjithë kandidatët që kanë diplomë në një program të caktuar studimi të nivelit bachelor ose master nga një institucion pritës.

Për të gjitha nivelet e studimit, kandidatët duhet të plotësojnë kushtin e nivelit të njohurive gjuhësore të përcaktuara nga programi i studimit për të cilin do të aplikojnë. Programet e studimit ofrohen kryesisht në gjuhët angleze dhe hungareze, por edhe në gjuhët gjermane ose frënge. Kandidatët që dëshirojnë të studiojnë në gjuhën hungareze do t'i nënshtrohen vitit përgatitor të kësaj gjuhe në rast se ata nuk janë të pajisur me certifikatë të njohjes së kësaj gjuhe. Ndërkohë, të gjithë studentët që do të ndjekin programet bachelor ose master në gjuhë të tjera për sa më sipër, janë të detyruar gjithashtu, të ndjekin kursin e gjuhës hungareze si “gjuhë e huaj” dhe në përfundim vitit të parë të studimeve akademike, duhet t'i nënshtrohen provimit të gjuhës hungareze.

Çdo kandidat mund të aplikojë deri në **2 (dy) programe** të ndryshme studimi sipas preferencës në të njëjtin institucion/ ose në institucione të tjera pritëse. Nënvizojmë se kandidatit nuk i lejohet të aplikojë paralelisht në dy nivele të ndryshme studimi. Gjithashtu, kandidatit i humbet e drejta të ndryshojë rendin e preferencës me përfundimin e procedurës së aplikimit dhe dorëzimit të dokumenteve përkatëse.

Afati i fundit i aplikimit *online* në faqen web të Fondacionit Publik Tempus për këto bursa studimi është **data 15 janar 2020** (apply.stipendiumhungaricum.hu). Gjithashtu, kandidatët duhet të dorëzojnë detyrimisht nëpërmjet postës në adresë të Drejtorisë së Integritit, Koordinimit, Marrëveshjeve dhe Asistencës të Ministrisë së Arsimit, Sportit dhe Rinisë deri në datën **20 janar 2020** (afati i fundit) të gjithë dokumentet e ngarkuara në sistemin online sipas kriterëve të përcaktuara nga Fondacioni Publik Tempus. Dokumentacioni duhet të shoqërohet me kërkesën e firmosur nga kandidati drejtuar Ministrisë së Arsimit, Sportit dhe Rinisë (ku të jepet një adresë kontakti e-mail dhe numër telefoni), duke specifikuar programin e studimit në të cilën dëshiron të studiojë kandidati. Sqarojmë, se me postë duhet të dërgohen vetëm kopjet e noterizuara të dokumentacionit të kërkuar me qëllim verifikimin e autenticitetit të tyre. Ministria e Arsimit, Sportit dhe Rinisë rezervon të drejtën e verifikimit të dokumentacionit të dorëzuar të panoterizuar me institucionet lëshuese të dokumentit. Në këtë rast, MASR nuk mban përgjegjësi për vonesat që mund të shkaktohen nga procedurat e verifikimit, të cilat mund të mos mundësojnë dërgimin brenda afateve të konfirmimit të listës emërore të aplikantëve palës hungareze, me rezultat humbjen e mundësisë së trajtimit dhe fitimit të të drejtës së studimit/bursës nga aplikanti.

Për një informacion më të detajuar për mënyrën e aplikimit dhe të përgatitjes së dokumentacionit për bursat e ofruara nga qeveria hungareze, referojuni materialeve informues (bashkëlidhur) dhe adresave në website si më poshtë:

ëë.stipendiumhungaricum.hu;

http://studyinhungary.hu/study-in-hungary/menu/stipendium-hungaricum-scholarship-programme/apply-for-a-stipendium-hungaricum-scholarship/call-for-applications-2020-2021_

[htmlhttp://studyinhungary.hu/study-in-hungary/menu/stipendium-hungaricum-scholarship-programme/apply-for-a-stipendium-hungaricum-scholarship/call-for-applications-for-doctoral-programmes-2020-2021.html;](http://studyinhungary.hu/study-in-hungary/menu/stipendium-hungaricum-scholarship-programme/apply-for-a-stipendium-hungaricum-scholarship/call-for-applications-for-doctoral-programmes-2020-2021.html)

<http://studyinhungary.hu/study-in-hungary/menu/stipendium-hungaricum-scholarship-programme;>

[http://studyinhungary.hu/study-in-hungary/menu/find-a-study-programme/study-finder.html;](http://studyinhungary.hu/study-in-hungary/menu/find-a-study-programme/study-finder.html)

[E-mail:stipendiumhungaricum@tpf.hu](mailto:stipendiumhungaricum@tpf.hu)

DREJTORIA E INTEGRIMIT, KOORDINIMIT, MARRËVESHJEVE DHE ASISTENCËS